

Nicolaus Schütze

Programma Quo Ad fugiendam Bacchanalium Turpitudinem Studiosos Iuvenes serio admonet

Rostochii: Kilius, 1641

<http://purl.uni-rostock.de/rosdok/ppn734809530>

Druck Freier  Zugang



R U. Progr. 1641.

1) Nicol. Schütz

2) " "

3) Johann Lohmann

4) Johann Quistorp

5) Progr contra Scholasticam

PROGRAMMA

Quo

Ad fugiendam

BACCHANALIIUM

*Turpitudinem Studiosos Juvenes
seriò admonet*

RECTOR

Universitatis Rostochiensis

NICOLAUS Schütze/
J. U. D. & Cod. Professor.



ROSTOCHII,

Literis NICOLAI KILII, Acad. Typogr.

ANNO MDCXLI,



Ntiquum est festum , sed non pariter sanctum & probum , quod his diebus inter Christianos à stultis, furiosis & impiis celebrari solet, magno cum scandalo etiam non Christianorum, qui honestatem, licet profanam, amant, piorum vero etiam dolore ac tristitia, imò & horrore & abominatione conjunctum. Bacchi festum vocatur ab ejus autore, qui generis humani hostis rectius Cacodæmon dicitur, & omni tempore habuit, quos adornaret, non solum ut ipsi id celebrarent, sed ut memoriam ejus & solennitatem ad posteros quoq; transmitterent, sedulo, & quasi per manus iis traditum commendarent. Exstant passim in historia populi DEI vestigia ejus non obscura: Apud Ethnicos vero plura, majora & evidentiora. Ægyptus est nemini incognita regio, quæ cum aliàs produxerit

φάρμακα, πλὴν μὲν ἐὼς τὰ μεμνημένα, πλὴν δὲ λυγρὰ,
cum illis, ut erat superstitionis parens foecundissima, hanc etiam impietatis, & flagitii plenissimam, plantam Bacchanalitiâ produxit. Hinc eam, Græci, ut alia plurima sacra, (si modo sacra dicenda sunt, quæ superstitionis & impietatis plenissima) ad se traduxerunt, & pro ingenii sui copia variis modis & rituum incrementis aucta in Hetruriam transmiserunt, officinam videlicet, hujus & aliarum
rum

rum foedissimarum ceremoniarum ingeniosissimam & felicissimam. Inde Romam venit & primum nocturnis exercitiis occupata ingentem, utriusq; sexus hominum multitudinem ex omni ætate collectam ad se traduxit. Non potuit in tanta turba diu clam esse, quod cum tanta turpitudine conjunctum fuit, quæ cuilibet paulo honestiori videbatur abominabilis & homine indigna. Igitur publica autoritate sublatum est, quod sine metu periculi & exitii publici ferri non poterat: Verum, ut est hujus lolii ingenium, non exigua reliquit in animis pravis vitii sui semina, quæ ad Christianos etiam cum pietatis cultu extensa, non exiguum ei cladem intulerunt, Telephorus enim P. R. ut Platina testatur, cum Antonini Pii Imper. tempore Episcopum Romæ ageret, constituit, ut septem hebdomadibus ante Pascha jejunium observaretur; cujus autem generis id fuerit jejunium, non additur: ita ut veritati, consentaneum sit, non malo id sine ab isto Telephoro institutum esse: Sed occasionem hostis Ecclesiæ, qui in omnem intentus erat, arripuit, & jejunio luxuriam præmittendam arbitratus est, qua præparati ad exercitium sobrietatis eo essent alacriores & paratiores. Successit artifici negotium & animos jejunio ad meditationem Dominicæ passionis excitandos vitiorum sordibus adeo immergit, ut ad contempla-

tionem CHRISTI patientis & morientis pro peccatis generis humani vix possent attolli, CHRISTUS Hierosolymam ascendit, ac discipulis futuram passionem prædicit, qui nihil eorum, quæ dicerentur, intelligebant, haud dubiè occupati cogitationibus profanis ac terrenis de regno Christi ac dignitatibus in eo sibi conferendis: Ecclesiæ Christianæ ministri & verbi divini præcones publicis concionibus prædicant, quæ causæ filium DEI moverint, ut supplicium adeo crudele in se admitteret; nostri thiasotæ nihil horum intelligunt, cogitantes, quibus ludis, personis, conviviis, vestibus, quo clamore, qua scurrilitate, qua bacchatione ad sobrietatis, honestatis & pietatis contemtum ac perniciem excogitatis, festum egregium committere & celebrare velint, ne solennitati defuisse videantur. CHRISTUS prædicit futurum, ut gentibus tradatur, quod & factum est per infelicem proditorem: Nos vero, cum Bacchanalia celebramus ab hac proditione puri scilicet, atq; innocentes haberi volumus, per quos nomen Christianum apud gentes ignominiosè traducitur. Quid enim aliud est, quod Muhammedanus ille suo Imperatori non est veritus referre; Cætera apud Christianos ferri posse, unum id non posse, quod certo anni tempore solenniter insaniant. Nec falsum omnino dixit, In quadam septentrionis non ignobili regione, di-

ne, dicuntur homines in lupos verti, & cum forma
mores induere, ut homines in agris deprehensos
jugulent: Quid aliud Bacchi thiasoræ, nonne men-
tem Christianam exuunt, abjiciunt, belluam in-
diunt, ut Christum Redemptorem gentibus la-
cerandum prodant, CHRISTUS ita proditus ludi-
brio excipitur, contumelia oneratur, oris Judaici
impuro excremento in faciem ejecto impudenter
maculatur: Quid aliud nostri thiasoræ? Christum
& sanctam ejus doctrinam turpissimis ludibriis ex-
cipiunt, quæ cum sanctimoniam, sine qua nemo
Deum videbit, à nobis postulet, hi profanitatem
exercent; postulat ille castitatem, hi mollitiem, las-
civiam, libidinem, vultu, gestu, moribus, expri-
munt, ac DEO, castæ menti, inpurissimum digi-
tum medium ostendunt, excussio naso derident,
exserta lingua subsannant, & omne genus ludibrii
in suos proximos meditantur, adeoq; nihil, quod
ad ludibrium faciat, intentatum relinquunt. De-
niq; flagris concisus & in crucem actus morte obiit,
fidelibus quidem salutari, sed aliis pudenda atq;
ignominiosa. Quid minus faciunt nostri thiasoræ,
qui sanctissimum CHRISTI sanguinem in cruce
effusum pedibus conculcant, denuò quantum in
ipsis est, crucifigunt, & si quid impietati, crudelitati
ac turpitudini Judaicæ defuit, (quanquam quid ei
ad summam deesse potuit) hoc omne Christiani

nominis præclari illi Professores à se addunt. Verum ne quis ex isto grege habeat, quod sibi de solennitate sua gratuletur, meminerit, quod is qui ad hunc modum proditus, qui illus, contumeliis affectus & insultatus, qui virgis laceratus & morte mulctatus est, idem tertia die ex mortuis in vitam redierit, & in coelestem gloriam evehctus, ad maiestatis divinæ dexteram confederit, iudex futurus vivorum & mortuorum. An ille tantam impietatem in suis Christianis ferat, quam honestiores Ethnici ferre in suis non potuerunt: In quibus rectæ rationis lumen adeo fuit efficax, ut impuritatem ac turpitudinem hujus moris non coercendam, sed extirpandam & evellendam censerent. Quid vero opus est, ut hi thiasotæ larvis abscondant faciem & in deformes vultus mutantur? Consulant naturæ suæ conditionem, quam illa facile ex forma etiam venustissima in deformitatem abominabilem possit mutari: Inspiciant hominem, cujus mentionem facit Evangelium, ex eodem, quo sumus omnes, luto formatum, sed oculis captum, & ex ea causa ad mendicitatem reductum: Satis larvarum est in animo humano, nec opus est, ut adscititiam corpori deformitatem conciliemus. Igitur, cives Academici, mecum, qui hoc tempore vobis magistratus præsum, consilium est, fugite ab ominandam hujus festi impietatem, fugite turpitudinem, fugite venturam

turam poenam. Æterna suo tempore parata est, nec
quisquam sibi promittat in punitatem, cujus con-
scientiæ stigma huius flagitii inustum est; Hæc ve-
ro huius vitæ, non tam cervicibus nostris imminet,
quam eas premit; Arsit patria nostra jam aliquot
anni belli sævientis incendio, vastati agri, attracta
fames, pestis, deformes vultus sive larvas potius
quotidianas, & viva cadavera vix ambulantiæ no-
stris oculis obtulerunt, & Bacchanalia adhuc agi-
mus: Si Deum non reveremini, quem licet præsen-
tissimum, oculis illis profanis coram intueri non
potestis; si non angelos, quorum à vobis ministe-
ria flagitiis vestris haud dubiè removistis, si non re-
spicitis honestatem, cujus nulla vel perexigua inter-
studiosos pietatis, honestatis & humanitatis ratio
est; at calamitatem respicite, quæ tot annos jam du-
ravit, & adhuc durat, nec dum finis apparet. At cu-
jus tandem animi est contemptus numinis divini,
adeo Cyclopicus, qualis nec in Ethnicis veri Dei
ignaris deprehenditur, ab sola ratione illustratis
ejusq; ductum sequentibus? Cujus tandem fron-
tis est, aspernari tot admonitiones è cœlo, è terra,
imò ab ipsis etiam inferis profectas; Moveat vos
poena præsentissima: Ingenii donum preciosissi-
mum à Deo accepistis: Ejus præstantia corrumpitur
nulla re citius, quam intemperantia, huius festi
propria. Valetudinem integram nullo auro æstima-
bilem

bilem à natura concessam, opera & cura parentum
 ad hoc ætatis conservatam servastis, sed hanc lu-
 xus & lascivia pessimè adfligunt, enervant, & seni-
 um ante tempus conciliant. Temporis jacturam
 quanti faciant adolēcentes, videmus; Atqui nul-
 lo auro æstimari potest, nullo reparari amissum.
 Nummos vere ad studiorum subsidia missos à pa-
 rentibus inter lascivorum ac temulentorum gre-
 ges profunderē sacrilegium est, cui proprium sup-
 plicium destinatum est paupertas, quæ poeniten-
 tiam & miseriam comitem adducit, ejulabili vo-
 ce ingeminantes illud, *O mihi præteritos referat si
 Jupiter annos*, & nummos, quas tam inutiliter ac
 damnose collocavi. Cæterum non hac fini stabitur,
 nos quoq; ut magistratum decet vigilabimus, &
 quod officii nostri à nobis partes postulabunt, se-
 dulo præstabimus. Sacre conciones præsentiam, &
 attentionem vestram requirunt, adeste & attendi-
 te, Imo & obsequium addite, ut appareat Spiri-
 tum DEI Sanctum in vobis esse; sin minus, à Deo
 & honestate relictos pœnæ legibus constitutæ de-
 prehendent atq; corripient. P. P. Rostochii sub
 Sigillo Rectoratus Dominica ESTO MIHI
 die 7. Martii Anno 1641.



bus juramenti religio sacro sancta e
tutis & literarum serio ac sedulo i
sunt dicta. Improbis hæc ita propo
redeant in vitam, vel quæ commin
In bivio constitutis, ne se in confu
trahi sinant, nec iisdem se cum illi
næ involvant. Omnes paternæ nostræ
admissuros speramus: secus qui fec
stratum vindicem habebit.

Haftenus prioris, divexationibus
nibus Pennalisticis oppositi Progre-
runt, additis pœnis Academicis il-
tiatis, qui actiones eas prohibitas quæ-
cere deprehenderentur. Verum ut
tia, ita facile rimam invenit, quæ
legi facere, & impunitatem sibi pro
quod schoristica & pennalistica a
grammate merito damnata essent
Conventuum nationalium, qui ad
& spiritus sunt, nulla facta esset mo-
hoc pacto actiones illas illaudatas
servari. Cum ergo manifestior sit,
Nationum indoles, testatorq; e-
quam ut negari possit, ne quid a
nem prætendant, hoc Statuto n-
diosorum formulæ conjungendo c-
nostris, Academicæ jurisdictioni su-

PRIMÒ, ut quicunq; nomina su

A 3

the scale towards document

Image Engineering Scan Reference Chart TE263 Serial No.